

عفو بین الملل کانادادان ایستهدی جورج بوشی دستگیر و موحاکیمه ائله سین

عفو بین الملل سازمانی کانادایی مقاملاردان ایستهدی «جورج بوش» آمریکایی قباقدکی رییس جومهورون، ترورونان موباریزه آدلانان جنگده، شیکنجه فرمانی صادر ائله ماغا خاطیر دستگیر و موحاکیمه ائله سینلر.

فرانسه خبرگوزاریسینین «اتاوا» دان نقل اولان گؤزایشینه گؤره، قراردی بوش اوکتوبرون 20-سینده بیر ایقتیصادی ییغینجاقدان کانادانین «سوری» شهرینده شیرکت ائله.

لندنده اولان عفو بین الملل سازمانی بوشون حقوقی مسوولیتینه نظر سالماغیانان، اونون علئیهینه اینسان حقلرین نقض ائله ماغا خاطیر پرونده تشکیل وئریب و کئچن آي رسمی یازی ضیمینده کانادا مقاملارینا چاتدیریپ آما بو یازی ایندی روزنامه لرین الینه چاتیر.

عفو بین الملل سازمانینین آمریکا منطقه سینین مسوولی «سوزان لی»، بیر بیانییه صادر ائله ماغیانان دئدی: بین المللی تعهودلره گؤره کانادادان ایستهنیلیر کی آمریکانین قباقدکی رییس جومهورونو حقوقی مسوولیتلری و شیکنجه کیمی جورملره مورتکیب اولماغا خاطیر، بین المللی قانونلار اساسیندا اونو دستگیر و موحاکیمه ائله سین.

او آرتیردی: اوردان کی آمریکالی مقاملار بوشو موحاکیمه یه چکنمه ییلر؛ بین المللی جامعیه گرک بو یولدا قدم گؤتوره. اگر کانادا بو سفرین جریانیندا اونو دستگیر ائله یه بیلمه یه معلوم اولار کی اینسانین اصلی حقلرینه ارزش قایل دئیل و میلل متحد سازمانینین شیکنجه علئیهینه اولان کونوانسیونونان عودول ائله ییب.

عفو بین الملل سازمانی اعلام ائدی کی بوش پیشرفته و خشین بازجویی رویشلردن ایستیفاده ائله ماقد فرمانین وئریب. هابئله بوغولماقد حیستینی ایلقا ائله ماقد شیکنجه سی، 2002 دن 2009 ایللی آراسیندا اونون فرمانی اینن آمریکانین مرکزی جاسوسلوق سازمانیندا حبسده اولانلارین اوستونده ایجرا اولوب. زیندانلارین بازداشت برنامه سی، شیکنجه ، آیری غیر اینسانی و خشین ایشلره ال وورماقد و هابئله توهین آمیز رفتار شامیل اولوردو.

بو سازمان اؤز یادداشتیندا توتولانلارین نچه مورید «گوانتانامو» خلیجینده و عراق و افغانستاندا کی نظامی پایگاهلاردا آمریکالی نیظامیلارین الی اینن شیکنجه اولماقلارینا ایشاره ائلیر.